

A las medias

Turitg, ils 22 da zercladur 2010

L'ensaina dal 1. d'avust stat per solidaritad vivida

Stimadas dunnas, stimads umens

Cun plaschair surdain nus a Vus l'ensaina dal 1. d'avust da quest onn sco engraziament per il sustegn entras las medias durant 100 onns.

Plinavant ans lubin nus da trametter a Vus nossa communicaziun a las medias. Il text ed in maletg da l'ensaina da giubileum chattas Vus en furma digitala sin nossa pagina d'internet www.propatria.ch. Per ulteriurs scleriments stain nus gugent a Vossa disposiziun.

Nus engraziain che Vus rendais attent la populaziun a nossa nova ensaina da la festa naziunala e giavischain in bel 1. d'avust.

Cordials salids

Fundaziun svizra
Pro Patria

Roman G. Schönauer
Secretari general

Annexa: broschura, communicaziun a las medias, illustraziun, ensaina 2010

Ensaina dal 1. d'avust 2010:

100 onns dun da la festa naziunala – 100 onns solidaritad

La Pro Patria celebrescha quest onn il 100avel dun da la festa naziunala. L'ensaina dal 1. d'avust 2010 consista d'in medagliun en color d'aur cun crusch svizra e tschupè d'onur e d'in bindel da taila en cotschen ed alv. Montada è l'ensaina vegnida en lavuratori svizzers per persunas impedidas.

L'onn passà ha la Pro Patria festivà la fundaziun da l'ovra d'agid il 1909. Er quest onn ha l'organisaziun da ritga tradiziun tutta raschun da sa regurdar da ses cumenzament. Il 1910 è numnadamain vegnida organisada l'emprima collecta. Dapi alura ha la Pro Patria sustegnì cun radund 200 milliuns francs svizzers ovras e projects culturals e socials. Sch'ins resguarda l'inflaziun fa quai ina mesa milliarda francs svizzers.

L'ensaina dal 1. d'avust è vegnida creada il 1923 sco med da collecta simbolic en connex cun la festa naziunala. Fin oz è restadas las trais pitgas che furman il fundament da la Pro Patria: l'amur per la patria, la confidenza en la solidaritad da la populaziun e la prontadad da prestar lavur voluntara.

Il dun da la festa naziunala da quest onn va a favur dal panorama da Murten, il project da giubileum da la Pro Patria, e dad ulteriurs projects culturals e socials specifics.

Il pretsch da vendita munta a fr. 5.--. L'ensaina dal 1. d'avust vegn vendida da voluntaris. Ins po er cumprar ella tar tut ils uffizis da posta u direct tar la Pro Patria, Clausiusstrasse 45, 8006 Turitg (tel. 044 265 11 60 u www.propatria.ch).